



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Priljeno/Prodato Received/Delivery	12.12.2023	viti god year	
Organ /Njesia Organ /Jedinica Org./Unit	Nr Prot Br Prot Prot No	Shtojci a Prilog Appendix	Sasia Kolicina Quantity
SKANSKUK	7430/2023		119



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1356/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi Bajraktari-kryetare, Arben Mehmeti dhe Ardita Haxhnikaj-Demi-anëtarë dhe Ilire Mehmeti Shaqiri-Zyrtare e Lartë për Bashkëpunim Profesional në cilësinë e procesmbajtëses, kanë shqyrtuar ankesën me numër A.nr.1356/2023 të datës 31.10.2023 të parashtruar nga ankuesja me adresë:

kundër organit të punësimit Ministria e Punëve të Brendshme/DMZP, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1, nenin 16 paragrafin 3 si dhe nenin 18 paragrafin 1 nën paragrafin 1.4 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, të mbajtur me datën 12.12.2023, mori këtë:

V E N D I M

I. Detyrohet Komisioni për Pranim për Institucionet e Administratës Shtetërore për grupin „Specialist i Përgjithshëm i Shëndetësisë/Mjekësisë”, pranë Departamentit për Menaxhimin e Zyrtareve Publik që brenda afatit prej pesëmbëdhjetë (15) ditësh nga data e pranimit të këtij Vendimi të nxjerrë akt administrativ lidhur me ankesën e parashtruar nga ankuesja

II. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ministria e Punëve të Brendshme më datë 11.07.2023 ka njoftuar për shpalljen e konkursit me Nr. Referencë: RN00012041 për grupin Specialist të Përgjithshëm të Shëndetësisë/ Mjekësisë respektivisht për pozitën "Inspektor Shëndetësor", ku afati për aplikim ka qenë nga data 01.08.2023 deri më datë 09.08.2023. Në këtë konkurs ka aplikuar edhe ankuesja, ku më datë 21.08.2023 është përzgjedhja e kandidatëve në listën e ngushtë ku ankuesja ka arrit të jete pjese e listës së ngushtë e cila respektivisht është renditur e 11-ta sipas numrit rendor. Ankuesja në testin me shkrim ka arrit të merr 48 pikë ndërsa në vlerësimin e jetëshkrimit komisioni i vlerësimit ankuesen e kanë vlerësuar me 11 pikë, gjegjësisht sipas Renditjes përfundimtarë të



datës 19.10.2023 ankuesja ka arrit të merr gjithsejtë 59 pikë duke mos pasur mundësi të kalojë në fazën e intervistës me gojë.

Divizioni për Zhvillimin e Rekrutimit dhe Inspektimit ne Departamentin për Menaxhimin e Zyrtarëve Publik me date 23.10.2023 ka shpallur njoftimin lidhur me kandidatin fitues.

Ankuesja e pa kënaqur me vlerësimin e Komisionit të Pranimit për pjesën e jetëshkrimit, ka parashtruar ankese pranë Komisionit të Pranimit, me pretendim se në vlerësimin e CV ankuseses i është bërë padrejtësi. Ndërsa Komisioni i Pranimit përmes përgjigjes (pa datë dhe numër) i ka dhëne vetëm një sqarim se si është vlerësuar ankuesja.

Kundër njoftimit të Divizioni për Zhvillimin e Rekrutimit dhe Inspektimit në Departamentin për Menaxhimin e Zyrtareve Publik të datës 23.10.2023 për kandidatin e përzgjedhur ankuesja me datë 31.10.2023 ka parashtruar ankesën me numër të protokollit 6781/2023 e cila është regjistruar me numër A.nr.1356/2023 në Këshillin e Pavarur Mbikëqyrës për Shërbim Civil të Kosovës, me pretendim ankimor se vlerësimi i CV nga ana e Komisionit është jo profesional duke konsideruar se i është bërë e pa drejte në këtë vlerësim si dhe duke propozuar që ti aprovohet ankesa si e bazuar nga ana e Këshillit dhe ti rishqyrtohet edhe njëherë CV-ja e ankuseses nga ana e Komisionit.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datën 08.11.2023 ka proceduar kërkesën për përgjigje në ankesë të Ministria e Punëve të Brendshme. Ndërsa Këshilli me datë 07.12.2023, ka pranuar përgjigjen në ankesë së bashku me shkresat lidhur me çështjen në procedurë.

Kolegji për Shqyrtimin dhe Vendosjen e Ankesave, ka administruar këto prova: Ankesën me numër protokollit 6781/2023 të datës 31.10.2023 të parashtruar nga ankuesja në Këshillin e Pavarur Mbikëqyrës për Shërbimin Civil të Kosovës; Certifikatën e datës 23.03.2023; Diplomën me numër 211/18 të datës 03.09.2018; Diplomën me numër 236/2023 të datës 03.08.2023; Përgjigjen në ankesë (pa date dhe numër); Vërtetimin e datës 04.08.2023; Letër rekomandimin me numër 3937 të datës 28.05.2021 Licencën e punës të datës 18.04.2019; Vërtetimin marrëdhënies se punës të datës 31.07.2023; Kërkesën për përgjigje në ankesë të datës 08.11.2023; Përgjigjen në ankesë të datës 07.12.2023; Konkursin me numër të Referencës RN00012041 të datës 11.07.2023 për Grupin Specialist të Mjekëses; Vendimin me numër 02/161 të datës 25.09.2023 për emërimin Komisionit të Pranimit; Listën e aplikanteve; Njoftimin për listën e ngushtë të kandidateve të datës 21.08.2023; Njoftimin për ndryshimin e listës së ngushtë pas shqyrtimit të ankesave për kandidatet të datës 29.08.2023; Renditjen përfundimtare të kandidateve të datës 19.10.2023; Njoftimin e datës 23.10.2023 për kandidatin fitues; Aplikacionin e datës 04.08.2023 te ankuseses; Vërtetimin e datës 31.07.2023; Certifikatën e datës 01.08.2023 të lëshuar nga Sistemi Qendror i Evidencës Penale i Republikës se Kosovës; Kontratën e punës për kohë të pa caktuar të datës 01.12.2021; Pasqyrën e Llogarisë-Trustin për periudhën kohore 01.08.2002 deri me date 27.07.2023; Vërtetimin tatimore të lëshuar nga Administrata Tatimore e Kosovës me datë 08.08.2023;

Kolegji për Shqyrtimin dhe Vendosjen e Ankesave, për vendosjen e kësaj çështje, duke u bazuar në nenin 16 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ka shqyrtuar të gjitha shkresat e parashtruara të lëndës dhe ka konstatuar se janë

përbushur kushtet ligjore për detyrimin e Komisionit për Pranim për Institucionet e Administratës Shtetërore për grupin „Specialist i Shëndetit/Mjekësisë” pranë Departamentit për Menaxhimin e Zyrtareve Publik, që ti ndërmarre të gjitha veprimet ligjore për të vendosur lidhur me ankesën e parashtruar nga ankuesja **sepse:**

Ankuesja në ankesën e parashtruar në Këshillin e Pavarur Mbikëqyrës për Shërbim Civil të Kosovës, pretendon se vlerësimi i CV nga ana e Komisionit është jo profesional duke konsideruar se i është bërë e pa drejte në këtë vlerësim si dhe duke propozuar që ti aprovohet ankesa si e bazuar nga ana e Këshillit dhe ti rishqyrtohet edhe njëherë CV-ja e ankueses nga ana e Komisionit.

Kolegji i Këshillit, konstaton së në konkursin Nr. Referencë: RN00012041 për grupin Specialistë të Përgjithshëm të Shëndetësisë/Mjekësisë respektivisht për pozitën *Inspektor i Shëndetësisë*, kriteret e përgjithshme formale kanë qenë:

- *Arsinimi i kërkuar: Diplomë/a e arsimit të lartë me së paku 3 vite të studimeve në fushat; Mjekësi e Përgjithshme, Mjekësi tjetër dhe Menaxhim Mjekësore;*
- *Përvoja e punës: Se paku dy (2) vite përvojë pune profesionale në fushën për të cilën zhvillohet procedura për plotësimin e pozitë së lirë të punës.*

Kolegji për Shqyrtimin dhe Vendosjen e Ankesave duke u bazuar në provat e lëndës ka konstatuar se Komisioni për Pranim për Institucionet e Administratës Shtetërore për grupin „Specialist i Përgjithshëm i Shëndetësisë/Mjekësisë”, pranë Departamentit për Menaxhimin e Zyrtareve Publik në rastin konkret, nuk e ka adresuar dhe nuk e ka shqyrtuar ankesën e ankueses lidhur me vlerësimin e jetëshkrimit, pasi që të njëjtit lidhur me ankesën e parashtruar nga ankuesja i kanë kthyer një përgjigje e cila nuk përmban as date dhe as numër protokollit, respektivisht Komisioni nuk ka nxjerr vendim apo akt administrativ ashtu siç përcaktohet me nenin 25 paragrafi 5 dhe 6 të Rregullores (QRK), NR. 16/2020 Për Pranim dhe Karrierën në Shërbimin Civil të Republikës së Kosovës i cili përcakton se 5. *Kundër rezultatit të fazës së vlerësimit, kandidati i pakënaqur, mund të parashtrojë ankesë të brendshme, brenda tri (3) ditëve nga data e njoftimit individual. 6. Ankesa shqyrtohet nga Komisioni i Pranimit dhe vendimi njoftohet brenda shtatë (7) ditëve nga paraqitja e saj”,* andaj Kolegji për shqyrtimin e ankesave, ka konstatuar që përgjigja e cila nuk përmban as datë dhe as numër protokollit i Komisionit për Pranim për Institucionet e Administratës Shtetërore për grupin „Specialist i Përgjithshëm i Shëndetësisë/Mjekësisë”, përveç që është në kundërshtim me dispozitat e Ligjit Nr. 06/L - 114 Për Zyrtarët Publikë dhe Rregullores (QRK), NR. 16/2020 Për Pranim dhe Karrierën në Shërbimin Civil të Republikës së Kosovës është në kundërshtim edhe me dispozitat e Ligjit Nr.05/L-031 të Procedurës së Përgjithshme Administrative, gjegjësisht me nenin 47 paragrafi 1 nën paragrafi 1.1, 1.2, 1.3 dhe 1.4 dhe me nenin 48 paragrafi 2 që rregullojnë formën dhe elementet e detyrueshme të aktit administrativ, sepse përgjigja e kthyer ndaj ankeses së parashtruar nga ankuesja nuk përmbanë elementet e një akti administrativ, ashtu siç është përcaktuar me nenin 47 të këtij ligji ku theksohet qartë se : 1. *Akti administrativ i shkruar përmban: 1.1. pjesën hyrëse, që tregon emrin e organit publik që ka nxjerrë aktin, bazën ligjore, emrin e atij të cilit i drejtohet akti, shënim të shkurtër të lëndës së procedurës dhe datën e nxjerrjes; 1.2. pjesën urdhëruese (dispozitivin), që tregon çfarë është vendosur si dhe afatin, kushtin, detyrimin dhe shpenzimet e procedurës, nëse është i zbatueshëm. Dispozitivi mund të ndahet edhe në më shumë pika. Shpenzimet e procedurës përcaktohen në pikë të veçantë të dispozitivit. 1.3. pjesën arsyetuese (në vijim: arsyetimin); 1.4. pjesën përmbyllëse, që*



tregon kohën e hyrjes në fuqi të aktit, informatat për mjetet juridike, përfshirë organin publik apo gjykatën ku paraqitet mjete juridik administrativ apo gjyqësor, formën e njetit, afatin përkatës dhe mënyrën e llogaritjes së tij (këshillën juridike). Në rast kur ushtrimi i ankesës administrative, sipas ligjit, nuk pezullon zbatimin e aktit administrativ, pjesa përmbyllëse gjithashtu duhet të përmbajë këtë informacion, si dhe bazën ligjore për një përjashtim të tillë”, rrjedhimisht Komisioni për Pranim për Institucionet e Administratës Shtetërore për grupin „Specialist i Përgjithshëm i Shëndetësisë/Mjekësisë”, pranë Departamentit për Menaxhimin e Zyrtareve Publik ankueses në ankesën e parashtruar i ka kthyer vetëm një përgjigje pa nxjerr akt administrativ në kundërshtim me Ligjin Nr. 05/L-031 për Procedurën e Përgjithshme Administrative dhe Rregulloren (QRK), NR. 16/2020 Për Pranim dhe Karrierën në Shërbimin Civil të Republikës së Kosovës.

Andaj, duke marr parasysh rrethanat si me lartë, Kolegji i Këshillit konstaton se Komisioni për Pranim për Institucionet e Administratës Shtetërore për grupin „Specialist i Përgjithshëm i Shëndetësisë/Mjekësisë”, pranë Departamentit për Menaxhimin e Zyrtareve Publik, është i obliguar që të ndërmarr veprime ligjore për shqyrtimin e ankesës së parashtruar nga ankuesja në mënyrë që të vërtetojë drejtë gjendjen faktike dhe rrjedhimisht të nxjerr akt administrativ në pajtim me dispozitat e Ligjit Nr.06/L-114 për Zyrtarët Publikë, Ligji Nr. 05/L -031 Për Procedurën e Përgjithshme Administrative, si dhe Rregulloren(QRK), NR. 16/2020 Për Pranim dhe Karrierën në Shërbimin Civil Të Republikës së Kosovës, sepse përgjigja (pa date dhe numër) e kthyer nga Komisioni i Pranimi nuk përmban elementet e aktit administrativ.

Kolegji pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.4 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.1356/2023

Ilire MEHMETI SHAQIRI

Zyrtare e Lartë për Bashkëpunim Profesional

Malsore GASHI BAJRAKTARI

Kryetare e Kolegjit

Vendimi i dërgohet:

- Ankueses,
- Komisionit të Vlerësimit në Departamentin për Menaxhimin e Zyrtareve Publik
- Udhëheqëses së Divizionit për Zhvillimin e Rekrutimit dhe Inspektimit dhe
- Arkivit të KPMSHCK-së.